

Bosna i Hercegovina
FEDERACIJA BOSNE I HERCEGOVINE
Kanton Sarajevo
Grad Sarajevo
OPĆINA NOVI GRAD SARAJEVO
- Općinski načelnik -
**Komisija za javnu nabavku
roba i usluga**

Broj: 02/12-45-19468/23
Sarajevo 11.10.2023 godine

Na osnovu člana 70. stav 1. i 3. Zakona o javnim nabavkama ("Službeni glasnik BiH" broj: 39/14 i 59/22), člana 26. Pravilnika o nabavci roba, uvršenju usluga i ustupanju radova broj: 02/12-45-25701/22 od 10.12.2022 godine, Pravilnikom o uvjetima i načinu korištenja e-aukcije ("Službeni glasnik BiH" broj: 66/16), u predmetu javne nabavke - "Nabavka usluge vršenja stručno-tehničkog nadzora nad izvođenjem radova iz oblasti uređenja rekreativnih površina"(Otvoreni postupak objavljen u Službenom glasniku BiH, broj: 60/23 i Portalu javnih nabavki broj obavještenja: 422-1-2-212-3-232/23 od 29.08.2023. godine predviđeno provođenje e-aukcije), na preporuku Komisije za javne nabavke roba i usluga, Općinski načelnik, donosi;

ODLUKU

1. Prihvata se ponuda ponuđača FM INŽINJERING d.o.o. Ilidža u predmetu -nabavka usluge vršenja stručno-tehničkog nadzora nad izvođenjem radova iz oblasti uređenja rekreativnih površina"(Otvoreni postupak objavljen u Službenom glasniku BiH, broj: 60/23 i portalu javnih nabavki broj obavještenja: 422-1-2-212-3-232/23 od 29.08.2023. godine, sa ponudom 900,00 KM bez PDV – a, odnosno 1.053,00 sa PDV-om.
2. Zadužuje se Služba za zajedničke poslove, da obavjesti učesnike u otvorenom postupku o donošenju Odluke o rezultatima okončanog postupka javne nabavke i izboru najpovoljnijeg ponuđača i zaključi ugovor po konačnosti iste u skladu sa članom 72. Zakona o javnim nabavkama.
3. Obavezuje se ponuđač iz tačke 1. ove Odluke da u roku od 5 (pet) dana od zaprimanja iste, dostavi dokumente koji se odnose na član 45. stav 2. tačka od a) do d) Zakona. Dokazi koji se zahtijevaju moraju biti original ili ovjerene kopije, i ne mogu biti stariji od 3 mjeseca računajući od momenta predaje ponude.
4. Protiv ove Odluke dozvoljena je žalba u roku od 10 dana od dana prijema iste, a koja odlaže izvršenje.

Obrazloženje

Zapisnikom sa otvaranja ponuda od 20.09.2023.godine ,konstatovano je da su zaprimljene dvije blagovremene ponude i to ponude ponuđača kako sljedi:

1. RADIS d.o.o. Istočno Sarajevo ,
sa ponudom u iznosu 52.470,00 KM bez PDV–a odnosno 61.389,90 KM sa PDV–om,
2. FM INŽINJERING d.o.o. Ilidža ,
sa ponudom u iznosu 52.470,00 KM bez PDV–a odnosno 61.389,90 KM sa PDV–om.

Komisija je analizom pristiglih ponuda, odnosno dokumentacije kojom ponuđači dokazuju kvalifikacije za učešće u ovom postupku, utvrdila da ponude ponuđača: RADIS d.o.o. Istočno Sarajevo i FM INŽINJERING d.o.o. Ilidža, ispunjavaju uslove specificirane u tenderskoj dokumentaciji, te da su iste računski ispravne.

Komisija je u skladu sa članom 64. stav 1. tačka b) Zakona o javnim nabavkama BiH, tenderskoj dokumentaciji i Pravilnika o uvjetima i načinu korištenja e-aukcije, primjenom kriterija «najniža cijena», utvrdila početnu rang listu ponuđača koji su dokazali kvalifikacije za učešće u ovom postupku, kako slijedi:

1. RADIS d.o.o. Istočno Sarajevo, sa ponudom u iznosu 52.470,00 KM bez PDV-a,
2. FM INŽINJERING d.o.o. Ilidža, sa ponudom u iznosu 52.470,00 KM bez PDV-a.

Shodno Odluci o pokretnju postupka javne nabavke kojom je predviđeno provođenje e-aukcije i tenderske dokumentacije a u skladu sa članom 64. Zakona o javnim nabavkama BiH ("Službeni glasnik BiH" broj 39/14 i 59/22), Pravilnikom o uvjetima i načinu korištenja e-aukcije, ("Službeni glasnik BiH" broj:66/16), zakazana je e - aukcija u sistemu e-nabavke.

Izveštajem o toku i završetku e-aukcije od 09.10.2023.g., koji je preuzet iz sistema e-nabavke, konstatovano da je e-aukcija trajala od 12,00 h do 13,10 h, sa konačnom rang listom ponuđača koji su učestvovali u e- aukciji, kako slijedi;

1. FM INŽINJERING d.o.o. Ilidža, sa ponudom u iznosu 900,00 KM bez PDV-a,
2. RADIS d.o.o. Istočno Sarajevo, sa ponudom u iznosu 1.040,00 KM bez PDV-a,

Imajući u vidu navedeno a u skladu sa članom 64. stav 1. tačka b) Zakona o javnim nabavkama, primijenom kriterija „najniža cijena“, nakon provedene e- aukcije, odlučeno je kao u dispozitivu Odluke.

Pouka o pravnom lijeku:

Protiv ove Odluke dozvoljena je žalba u roku od 10 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

Obradila:
Komisija za javne nabavke roba i usluga

DOSTAVITI:

1. Služba za zajedničke poslove
2. U spis



Općinski načelnik

mr. Semir Efendić